

MME UKPEP-ŊKPỌ JESUS KE ABAŊA

IDAHA MBET

Matthew 17:14-21; Luke 9:51-62

ỌYỌHỌ UKPEP-ŊKPỌ 115

Eke Mkparawa

IKỌ IBUOT: "Baba owo kiet emi akabarede ese edem, ke enye ama ekesin ubọk ke ufuñ-isọñ, ikemke ndinam utom Ubọñ Abasi" (Luke 9:62).

Jesus ye Peter, James ye John ema esuhorere ke obot emi ekekpuhorede Enye Idem. Mmọ ema esobo ye mbet eken ye otu owo emi kiet ke otu mmọkọdionode Ọbọñ. Owo oro ke ndiyom mbom, ama otonon edon ke iso Esie. Enye akaka ebine Jesus ke ibuot nkukure eyen esie (Luke 9:38). Eyen oro okoyohọ ye ndedehe spirit onyũ okut ndutuhọ eti-eti, emi akanamde enye ikemke ndibon akam ke idem-esie. Ukpón esie ama okut ndutuhọ, ndusuk ini enye oduo oduk ikañ, ndusuk ini mmón.

Ndusuk nditonwon iwutke esit ekom ke abana mme ete ye mme eka mmọ emi esibonde akam. Owo ndomo kiet ifiokke se ikpetibede ino eyen-eren emi edieke ete esie mikerereke ibana enye, ida enye isok Jesus, inyũ ibon akam ino enye ke ini enye mikememeke ndibon akam ke idem esie. Mme owo edu mfin emi enyenede ukem ikọ ntiense emi eyen-eren emi okponode: Ete ye eka mmọ ekeda mmọ esok Jesus ke akam, ndien Abasi obuñnkpkobi idiok-ñkpọ onyũ anyana mmọ. Edieke enyenede ete ye eka emi efiokde Abasi, ekpenyene ndifiok ete ke Abasi odion fi. Kọm Abasi ke abana mmọ.

Nnen-Nnen Ebiet

Ete emi akada eyen esie osok nnen-nnen owo ke ini enye akadade enye osok Jesus. Mfin emi eno mbon udono item ndika mbine Jesus. Ke ini owo odonode, ekeme ndinyene erikok ke ini mbiowo ufok Abasi ebode akam eno enye, enyũ eyetde enye aran ke enyĩnObon (James 5:14, 15).

Ema ekpu ete oro koro mbet mikememeke ndikok eyen oro (Luke 9:40); ndien ekeme ndidi emi ama anam mbuotidem esie oyok. Ke nnan-enyin, enye ama ekpe ubok ete, "Edieke Afo ekemede ndinam ñkpọ, tua nnyin mbom" (Mark 9:22). Mbuotidem esie ama ekpere ndikure edi Jesus osono enye idem ete ke ebọ mme eridion eto mbuotidem. "Edieke ekemede! Kpukpru ñkpọ ekeme ndiworo nno enye emi obuotde idem" (Mark 9:23). Owo emi ama ofiok se ikobionode enye, oro ekedi unana mbuotidem. Ye mmón eyet ke enyin esie, enye ama ebeñe Jesus ete añwam unana mbuotidem imo (Mark 9:24). Nte Jesus asuade ono ndedehe oro, eyen oro ama obọ erikok, ikedighe nsit-nsit edi kpa ke idaha oro.

Odudu Ndikan Andidiok

Jesus ama ono mbet Esie odudu ndibin mme ndedehe Spirit nduok nnyũnkok kpukpru oruk udono (Matthew 10:1), ndien ntak emi mmọ mikememeke ndikok eyen emi? Jesus ama asua ono unana mbuotidem mmọ. Enye ama ekere mme edibighi didie mbet ndifiok nte ke odudu itoho mmọ edi oto Ọbọñ. Abasi ama ono Jesus odudu ndinam ufon nnyũnkok kpukpru mmọ emi andidiok efikde, koro Abasi okodude ye Enye (Utom Mme Apostle 10:38).

Jesus ama owut mbet ete ke otim ada akam ye mbuotidem ndinyene odudu Esie. Enye ama odohọ ete ke baba ñkpọ kiet isonke edieke mmọ enyenede mbuotidem nte mkpasip mustard, emi ekpride edi ke ediwak idaha ekeme ndikori ñkabare ñkpon ke ini etimde ekpeme enye. Ntre ke edi ye mbuotidem; ekpri ekeme ndikori nnyũ ntot. "Ntre ke mbuotidem oto ke erikop, erikop onyũ oto ke ikọ Christ' (Nwed Mbon Rome 10:17).

Jesus okoyom mbet Esie enyene mbuotidem ye odudu emi otode Enyon. Ekekot mmọ ndisuan Eti-mbuk, ndien ke odudu Esie, mme owo eyefiok ete ke mmọ edi mbet Esie. "Ndien mme idion emi eyetiense mmọ emi enimde ke akpaniko: "Ke enyĩn Mi ke mmọ eyebin mme demon. . . . mmọ eyedori mbon-udono ubok, ndien mmọ oro eyekop nsodidem" (Mark 16:17, 18). Jesus ama etiñ nte mmọ edinyenede odudu emi, ke edibon akam ye utre udia.

Edi akpaniko ete ke item Jesus ama añwam mbet; koro imokot ite ke ini emi Jesus okodonde mbet ata ye duop ete ekekwo ete-mbuk, mmọ ema enyon edi ye idara edidohọ ete, "Obon, kpa mme demon esuk ibuot eno nnyin ke enyĩn Fo" (Luke 10:17).

Ndiyom, Ndiyuñ Nnyaña

Jesus ekebeñe mbet Esie idem abaña usen oro edimende Enye ikpoñ mmọ, ye nte edisuan eti-mbuk edidude ke ubọk mmọ. Nte usen oro ekeperede, mmọ ema eka ke Jerusalem. Owo ikadarake mmọ ke obio Samaria kiet, mme owo ñko ikoyomke ndikop nto Jesus. James ye John ema ekere ete ke ikpanaha enam Qboñ ntem ndien ke ndo-ndo oro ema ebeñe ndisobo mme owo oro.

Qboñ ama enyene odudu ndikot ikañ oto ke Heaven man amia mme owo oro ufen, edieke Enye okpokutde ete odot ndinam ntre. Ke ini emi Elijah okqboñde akam, Abasi ama qdōñ ikañ edita mme uwa onyuñ owut mme okpono Baal ete ke Imọ ikpoñ idi Abasi (I Ndidem 18:38, 39).

Jesus ikonqho mmọ unen Esie ndisobo mbio obio Samaria oro, koro Enye ama qdōho ete ke emi isañake ikekem ye spirit Anditiene Christ. "Ekunam baba ñkpọ kiet ke ndomo-idem mme ke ntañ-idem" (Ñwed mbon Philippi 2:3). "Ekuda idiok esio owo usiene idiok" (Ñwed Mbon Rome 12:17). "Jehovah ete, usiene enyene Mi, Ami nyesio usiene" (Ñwed Mbon Rome 12:19). Ke ebede oro, ikedighe uduak Jesus ndisobo anam-idiok edi ndinọ enye ifet ndikabare esit man enyene nsinsi uwem. "Koro Eyen Owo ekedi ndiyom ndiyuñ nnyaña se isopde" (Luke 19:10).

Se Inamde Owo Odot

Jesus ekepep mmọ nte mbet Esie enyenede ndidu uwem ye se edikpade owo ndidi mbet Esie. Odu ndusuk owo emi mikemeke ndidi mbet Esie koro mmọ midotke. Owo kiet ama qsqp ndidqho ete ke imọ iyetiene Jesus ke ebiet ekededi emi Qboñ edikade. Jesus ama qfiok ete ke enye ikabatke ekqm urua. "Koro anie owo ke otu mbufo, emi oyomde ndikōñ tower, idibemke iso itie ibat se iditakde enye, man enye qfiok mme emenyene okuk nte edikemde ndida nnam utom mma? Mbak ndusuk utom edikak enye ke ini enye ama okotqñ ndibop, ndien kpukpru mmọ emi ekutde etqñ ndisak enye, ete, Owo emi okotqñ ndikōñ ufok, edi ikemeke ndinam mma" (Luke 14:28, 29). Jesus ama qfiok ete ke owo oro eketie nte andikop emi ebietde isqñ itiat ke ñke asuan mkpasip (Matthew 13:5, 6, 20, 21) emi ekenemde esit nditiene Jesus tutu isin-enyin ye ukut edi ndidomo mbuqtidem esie. Enye ikenyeneke nsqñ nda; ifiok esie ekedi enyqñ-enyqñ eyenyuñsqp ndinyuñ. Jesus ikdqhoke owo oro ite udukemeke nditiene, edi Jesus ama owut enye ete ke ididighe mmem-mmem usuñ. Jesus iñwqñke mmem-mmem usuñ edi Enye qñwqñ ndiñwam:

"Mfōn Mi ke ekekem fi" (2 Ñwed Corinth 12:9). "Idomo ikosimke mbufo ibqhoke se inade owo ndibiom; edi Abasi edi akpaniko, idinyuñ iyakke edomo mbufo ebe se ukeme mbufo edide, edi Enye eyesiak usuñ ubqhoqñ mbufo ke ufot idomo, man mbufo ekeme ndibiom enye" (1 Ñwed Corinth 10:13). Owo oro ekenyene ndimek edi nnyin ikotke ite enye ama etiene Qboñ.

**"Abasi `ñwqñke eti enyqñ ikpoñ,
Ndiye okpo-usuñ kpukpru' sen uwem.
Abasi iñwqñke edinọ eyo,
Ye idara ye emem ikpoñ,
Qñwqñ mfuhọ ye ubiak ñko,
Nduok odudu ke utom, uñwana k'usuñ,
Mfōn ke idomo, uñwam otode enyqñ,
Ndqñesit y'unana utit ima."**

Jesus ama okot ete kiet ete edi mbet Imọ edi ete oro ama qñ mfaña (Luke 9:59, 60), (Kot Luke 14:16-24). Enye okoyom ndikpōñoro oro nnim tutu ini efen. Enye okdqho ete ke imọ imenyene utom ndinam nq ete imọ ke obukidem. Enye ikekereke ibaña utom spirit emi enye enyenede ndinam nq Ete esie ke Heaven. Jesus ama qdōho enye ete ke mmọ ewen edu, emi etakde ke idiok-ñkpọ emi minyeneke utq akwa ikot emi, mmọ oro eyese ñkpọ ebaña ete esie ke ini enye edikpade. Edi ñkpọ uwem emi ema ebop ete emi, ndien enye ikokopke ewuhọ Jesus emi: "edi afo, ka kqkwqñ Ubqñ Abasi." "Edi ekpeme idem mbufo, mbak. . . ekikere uwem emi edinam esit mbufo odobi, ndien usen oro edibuat mbufo nte ekpo" (Luke 21:34).

Owo efen ama qdōho ete iyetiene Jesus, **EDI** mme ñkpọ efen edu ndinam kaña, ke ntre enye abiat ini. Okoyom ndidqho mbon ufok esie etie suñ, nte ñkpọ emi enye mikpamaha ndikpoñ mmọ. Spirit emi ama okpuhore ye eke Elisha emi akabiatde kpukpru ñkpọ emi okpōbiqñde enye nditiene Qboñ (1 Ndidem 19:21). Elisha "ama qfop mme ebop ke edem esie."

Idotke Ke Obio Ubqñ

Jesus ama owut nte qdiokde owo ndiwqñoro enyin ke edem nse mme ñkpọ uwem emi. Enye iketiñke ite "ndiwqñoro edem", edi edi "ndise edem" edinam owo okudot ke Obio Ubqñ Abasi. Ndise edem qwqñ ete owo oro itieneke Jesus ke ofuri esit esie edi enyene udqñ itqññkpọ akani uwem ke esit esie. Ke Genesis 19:26 imokot ibaña

se ikotibede inoñwan Lot ke ini emi enye ekese dem. Okoto ke idiok-ñkpọ Abasi osobo obio Sodom emi Lot ye ufọk esie ekeduñde. Ke ibọrọ akam eyen-eka ete Lot, Abraham, Abasi ama oduri Lot utọñ ete efehe ọbọhọ ye uwem esie, okuse edem. Edọhọ nnyin ete, "eti ñwan Lot" (Luke 17:32) koro enye ama ese edem onyuuñ akabare adaha inuñ, adaha ntut-utọñ. Emi akpakam edi ntọt ọnọ nnyin ke abañ ndise edem ye ntut-utọñ.

Abasi iyomke nditọ Esie enam ñkpọ enọ Enye ke ubak esit. "Koro ami Jehovah Abasi fo ndi Abasi ufup" (Exodus 20:5). "Ma ndien Abasi fo ke ofuri esit fo, ye ke ofuri ukpọñ fo, ye ke ofuri odudu fo" (Deuteronomy 6:5). Ufañ iduhe ke esit inọ baba ñkpọ efen.

Jesus onim ñkoñ-ñkoñ idaha ọnọ mme anditiene enye, ediwak enyuuñ enyene udọñ ndisim idaha oro nnyuuñ mmum enye ñkama. Apostle Paul ama ọdọhọ ete "eyak nnyin nde ikpọnọre kpukpru mbiomo inim ñkañ kiet. . . enyuuñ eyak ifehe mbuba eke anade nnyin ke iso ye ime, iwuk enyin ise Jesus, anditọñ mbuqtidem nnyin ye Andinam enye ọfọn ama" (Mme Hebrew 12:1, 2). "Edi ñkpọ kiet emi ke nanam; mfefre se idude mi ke edem, nnyuuñ nnyanare mbine se inade mi ke iso; mmesin ifik ñka iso mbine utit mbuba, man ñkpọbọ utip akwa ikot eke Abasi okokotde mi ke Christ Jesus" (Nwede Mbon Philippi 3:13, 14).

MME MBUME

1. Ntak emi mbet mikekemeke ndikọk ekpri eyen-eren oro?
2. Owo ekeme didie ndinyene odudu Abasi ke uwem esie?
3. Nso idi ntak emi Jesus ekedide ke ererimbot emi?
4. Nso ke ikọ emi ọwọrọ: "fọp mme ebọp ke edem fo"?
5. Adañ didie ke Abasi oyom esit fo?
6. Siak ñkpọ ita ke ukpep-ñkpọ emi, emi Jesus oyomde oto mbet Esie.